

**Oraziun de n amaré**

*Pere, al mo sa rio da dí: "Tõa orenté sides fata." lu sun a tera y n'á plü degün coraji: mi mës n'é presc nia plü da tigní fora. Dõt ci co fajea fora mia vita, mo pö sen der dalunc: les porsones co ea encer me ia, mies ligrezes y le laur da vignedé. Ince sce al mo mancia le coraje, ôi empó proé da dí de sciö a dõt: a mi mai, a mia debleza, a mia sorenté. I ô proé da suporté dõt tan ch'i sun bun.*

*Fá che mio sofrí ne sii nia por nia; magari él d'ütl a chi co laora y combat por te. Tõa oreté sii fata! To Fi á mostré söla crusc che les soferenzes n'é nia debann, y iu te diji iolan ch'i l'á odü ete. Pere, benedesc me y dõtes les porsones co mo fej le guern y mo deida; sc'al é tõa orenté, lascemo varí y con me ince düc i atri co á da patí. Amen*

"Laldun le Signur"



**Vita de ploania y de paisc**



**lu sun la ressozeziun y la vita.**

**Chel co crei te me viará, ince sc'al mör.** (Jan 11, 25)

La ploania d'La Pli á tut comié da **Jep Rigo** (+ 30.01.2017, 86 agn) y ti fej les condolianzes ai familiars por la mort dal om, pere, nene y fre. Che le Signur toli sö söa anima te söa ciasa!

- **Sontada dal Consei Pastoral en jöbia, ai 9 de forá**, ales 20.00 te calogna con cösc ordinn dal de: meter sö le consei de cortina y chirí na porsona de referimont por la Caritas – doreré l'orgo de dljia – domanda de Berto Kastlunger da cumpré le pre dla mognaria da Pliscia – urt de calogna – Carsema.
- **iolan dles ofertes en recort de Josef Kosta:** por la dljia Sportclub Mareo, fam. Hansi Erlacher, fam. Hans Peter Obojes, fam. Franz Peslalz, fam. Winkler/Rara, Gasthof Sonne. D'atres ofertes él ince gnü fat ia Al Plan.

**1 enformaziuns y termins**

**KVW Senioreclub:** en dedemesaledema ai 8 de forá ales 3 domisdé s'abinunse te salff dles manifestaziuns a Al Plan por sté en pü' adöm con aorela cörta. Al gnará en pü' fat carlascé y ince "Bingo" con de bi pesé. Gnide trec.

<b>Dõt le bun a:</b>	Marianna Erlacher ved. Pedevilla, Al Plan	10.02.1918
	Konrad Ellemunter, Kaltern	11.02.1942
	Tone Erlacher	11.02.1930
	signor ploan Heinrich Perathoner	11.02.1941
	y a düc chi co á santennom y complesc i agn cöst'edema	

**Impressum:** Ploania d'La Pli; redaziun Franz Rigo y Edith Willeit  
**Comunicaziuns** cina al dedemesaledema sera a Franz Rigo: ☎ 0474 500978 o ✉ ploania@gmx.net  
**Download plata:** www.unitepastorala.org



Plata dla Ploania  
**La Pli de Mareo**  
 Santa Maria dal Bun Consei

Ploan: Signor Heinrich Perathoner  
 E-mail: ploania@gmx.net

Calogna Al Plan: 0474 501006  
 Radio de Ploania: 93,00 Mhz



**VAL BADIA**  
 www.unitepastorala.org

Ann A

05.02.2017 - 5. domegna ia por l'ann

n. 11

**Os seis la löm dal monn!**

📖 **Is 58, 7–10 | 1 Cor 2, 1–5 | Mt 5, 13–16**

**Dal Vangelo do San Mateo:**

Te chel tomp á Gejú dit a sü discepui: <sup>13</sup>Os seis le se dla tera. Sce le se perd söa saú, co pón pa endô le fá saré? Al ne val plü nia; al ven sciüré demez y pesté sot dala jont. <sup>14</sup>Os seis la löm dal monn. Na ciüté, co é sön na munt, ne sciafia nia da resté ascognüda. <sup>15</sup>An n'empeia gnanca na löm y met na sedla sorajö, mo an la met sön n candelier, spo ti lomínera a düc te ciasa. <sup>16</sup>Ensciö dess osta löm lominé dan dala jont, ch'ai veighes ostes bones opres y laldes osc Pere tal ci.

**I ponsun do**

*Le Vangelo nes dij cal co é le compit emportant dai cristiagn: le discepul de Gejú dess ester, enló olách'al é, löm por i atri; söa bunté dess müdé, desco le se, la "saú" de cösc monn. En discepul co ne slomina nia y co ne müda nia con söes operes é por le Vangelo n'assurdité.*



**I periun**

*Dio onipotent, deidesse dé ales porsones tres la confesciun dla fede, tres la perseveranza tla speranza y tres nostes operes d'amur na testimonianza de tõa vijinanza. Por Crist, nosc Signur.*

Wilhelm Egger "Sonntagsbibel"

📖 **Letöres dla 6. domegna ia por l'ann:**  
**Sir 15, 15–20 | 1 Cor 2, 6–10 | Mt 5, 17–37**

Edema liturgica dai 05.02. ai 12.02.2017

<b>DOM 05.</b>	<b>5. domegna ia por l'ann</b> <b>Dé dla vita</b>	<i>Ingenuin y Albuin veschi de Jênn, Adelheid, Elisabeth</i>
<b>08:30</b>	<b>gran messa</b> por dōta la ploania y devoziun a Santa Maria <b>s.m.</b> de suplica y de ringraziamont dla vita	
▶	<b>2. s.m. de sopoltōra por + Jep Rigo y corona dla comunité</b>	<i>oferta por i debojūgns dla ploania</i>
▶ <b>14:00</b>	<b>funziun de ringraziamont dla vita y benedisciun dai pici mituns y dai geniturs</b>	
10 y 18	<i>s.m. a Al Plan</i>	
<b>Lön 06.</b>	<i>Paul Miki y compagns, Dorotea, Amando</i>	
07:30	<i>s.m. a Al Plan</i>	
<b>Ded 07.</b>	<i>Richard, Eugenio</i>	
<b>07:30</b>	<b>s.m.</b> de ringraziamont de na familia <b>s.m.</b> por + Anna Ploner Rigo, Alnei	
<b>Dem 08.</b>	<i>Hieronimus Āmiliani, Josefina Bakhita, Filip</i>	
18:00	<i>s.m. a Al Plan</i>	
<b>Jöb 09.</b>	<i>Apolonia, Alexia, Anna Katharina</i>	
<b>19:30</b>	<b>s.m.</b> por + Nazio Erlacher, Cargá <b>s.m.</b> por les Püres Animes dal Purgatorio	
<b>Ven 10.</b>	<i>Scolastica, Wilhelm, Silvan</i>	
07:10	<i>s.m. a Al Plan</i>	
<b>Sab 11.</b>	<b>memoria de Santa Maria da Lourdes - de mondial dai amarés</b> <i>Anselm, Teodora</i>	
<b>15:00</b>	<b>a Longega, s.m.</b> por + Emma Frontull ved. Ellecosta <b>s.m.</b> en onú de Santa Maria da Lourdes	
18:00	<i>s.m. pefestia a Al Plan</i>	
<b>19:30</b>	<b>s.m. pefestia</b> por vis y +ti dla familia Frontull, Mareo <b>3. s.m. de sopoltōra</b> por + Jep Rigo, Rara	
<b>DOM 12.</b>	<b>6. domegna ia por l'ann</b>	<i>Gregor II, Benedet</i>
<b>08:30</b>	<b>gran messa</b> por dōta la ploania	<i>oferta por i debojūgns dla ploania</i>
10 y 18	<i>s.m. a Al Plan</i>	
<i>ampola:</i>	por la familia Frontull, Mareo	
<i>ministronc:</i>	▶ da doman y domegna: David Willeit y Daniele Ellemunter ▶ da sera y domegna: Alex Pedevilla y Alan Ellecosta	

**Dio dla vita**

*Signur, i podun festejé deboriada  
che tō es en Dio dla vita.  
Tō es gnü a nes encündé  
la pleneza dla vita.  
Con reconescionza  
orunse pié do cōsta scincunda  
y te laldé y te glorifiché.  
I sun plens d'amiraziun  
por le miraco dla vita umana,  
mo ince por vigne vita che tō as cherié.  
I te periun, ciara de nos  
y dandadöt de nūsc mituns  
co é nosta speranza y nosta ligreza.  
Vi con nos sōn nosc tru y lāscesse sontí  
l'esperionza che tō es pa nos.  
Benedescesse y fá ch'i sunse bogn  
da tó nostes dezijiuns do tōa orenté  
y do to ejempl. Amen*

<http://www.bewegung-fuer-das-leben.com>

**Benedisciun dai mituns**

Signur, benedesc i mituns  
che tō nes as scinché.  
Ensegnesse da daurí sū edli  
por odei döt ci co é bel,  
so spirit por döt ci co é vei,  
so cōr por döt ci co é bun.  
Stái dlungia y straverdi  
sōn le tru de sōa vita.  
Miú co nos, ciara de ei,  
y toli sō desco tū ffs.  
Amen



**La pordica dla munt cuntada ai mituns (3)**



**Se dla tera y löm dal monn**

Spo á Gejú dit val' che la jont co ea danló con el n'á nia capí atira. Al á dit: Os seis le se dla tera. Sc'an ô saré val' y le se n'á degüna saú spo messon le sciüré demez. Le se mess ester saré. Y desche le se ti dá saú ala speisa, ensciö desses os, desco mi amisc, cunté ennant a dōta la jont la bona noela de Chelbeldio sō al Ci. I desses ti dé saú ala vita sōn cōsta tera – ensciö desche le se ti dá saú ala speisa.

Y spo ál ciamó dit: Sce na ciüté é sōn na munt spo la veigon dalunc. Ara ne va nia da ascogne, ara é entres da odei – ince de net. Os ch'i cherdeis y ch'i ti oreis bun a Chelbeldio, le Pere sō al Ci, desses ince ester entres da odei. An dess conesce ch'i seis encontonc, deache mio Pere y osc Pere sō al Ci s'ō bun, é entres pa os y ciara de os.

Gejú á ince dit: Os seis löm por le monn. Degügn n'empeia na ciandera y met spo na condl sora jö. Na ciandera ven empiada y spo motüda sōn en candelier, che düc pói odei sōa löm. Os desses ester desco na ciandera. Düc dess odei ch'i slomineis de ligreza. Ai dess odei ch'i fajeis dal ben, ch'i daideis i atri y s'oreis bun. Y ai dess se tó en ejempl.